

經方應用 六



經方應用

秦州武國良簡侯編纂

甘草湯類

咽痛急迫傷寒論主用

甘草湯

甘草八。

右剉細以水一合煎五勺去滓温服

証狀表現 原文少陰病二三日咽痛者可與

甘草湯不差者與桔梗湯

立方意義 少陰經脈循喉嚨挾舌本其發生

咽痛則由陰盛於下陽浮於上循本經脈而至咽既無陰液以滋潤之復受客熱之侵襲消灼而起甘草入咽能促進分泌增加驅痰沫外出有清熱解毒緩和急迫之功以此清之潤之而解其痛故有國老之稱

治療標的 以咽痛急迫為主標的而用之

諸家經驗談 傷寒論輯義引徐說甘草一味

單行最能和陰而清衝任之熱每見生便癰者驟煎四兩頓服立愈則其清少陰客熱可知所以為咽痛專藥也

又單味甘草湯功用頗多玉函經治小兒撮口發噤用生甘草二錢半水一盞煎六分溫服令吐痰涎後以乳汁點兒口中千金方甘草湯治肺痿吐涎方心中溫溫液液者又凡服湯嘔逆不入腹者先以甘草三兩水三升煮取二升服之得吐但服之不吐益佳消息定然後服餘湯即流利更不吐也此類不違枚舉

丹溪心法 騎馬癱用大粉草帶節四兩長流水一碗以甘草淬焙水盡為末入皂莢炭少許作四服湯調頓服效

李迅癰疽方 治陰下懸癰用橫紋甘草一兩  
四寸切段以溪澗長流水一碗以文武火慢慢蘸水  
炙之自早至午冷水盪為度劈開視之中心水潤乃  
止細剉用無灰酒二小碗煎至一碗溫服次日再服  
便可保無虞此藥不能急消過二十日方得消盡

按 日醫喜多村秀城云將甘草煎膏稠厚熱  
酒化服有奇效名矣甘草膏

外台秘要 近效一方(即本方)療赤白痢日數  
十行不問老少

聖濟總錄

甘草湯治熱毒腫或身生瘰癧者

又治舌平腫起滿口塞喉氣息不通頃刻殺人

青囊瑣探 小兒啼哭不止以本方二錢許浸

熱湯絞去滓與之即止

又 傷寒不省人事經日譫語不得眠者以五

六錢煎湯晝夜陸續與之有神效

又 癩疾搐搦嘔吐角弓反張及嘔吐不止湯

藥入口即吐者用半夏生薑竹茹伏龍肝之類而益

劇者本方煎湯服有奇效

錦囊秘錄 國老膏係本方熬制者一切癰疽

消 將發則能腫逐毒使毒氣不內攻其效不可具述

類聚方廣義 凡用紫圓備急丸梅肉丸白散  
等未得吐下快利惡心腹痛苦楚悶亂者用甘草湯  
則吐瀉俱快腹痛頓安

得效方 獨勝散(即本方)解藥毒蠱毒毒蟲蛇  
毒

又 治小兒遺尿大甘草頭煎湯夜夜服之

千金方 治陰頭生瘡蜜炙甘草末頻頻塗之

神效

直指方 癰疽秘塞生甘草二錢五分井水煎  
服能導下惡物乳癰初起炙甘草二錢新水煎服仍

令人啞之

至寶方 小兒尿血甘草一兩二錢（一作五分）

水六合煎二合一歲兒一日服盡

金匱方 小兒羸瘦甘草三兩炙焦為末蜜丸

綠豆大每溫水下五丸日二服

諸家緒論 傷寒大白甘草湯千金治肺癰傷

寒論治咽痛同用甘草一味以咽痛肺癰肺受火刑

耳

外台 引錄驗本方加大棗名溫脾湯療久上

氣咳嗽亦療傷寒後咳嗽又引深師本方加大棗生



炎

姜名溫脾湯治肺痿欬吐涎沫心中溫溫咽燥而渴  
憑証使用 喉頭炎咽峽炎氣管癩癩擗肺  
癱赤白痢小兒夜啼小兒尿血小兒遺尿等

以下甘草湯加方

咽痛服甘草湯不解加桔梗傷寒論金匱名

桔梗湯

桔梗 二一五 甘草 一四五

右剉細以水三合煎一合去滓一日分三回溫  
或冷服

証狀表現 傷寒論原文已見上方甘草湯金

匱欬而胸滿振寒脈數咽乾不渴時出濁唾腥臭久  
久吐膿如米粥者為肺癰桔梗湯主之

補充 亦有咽喉腫痛欬嗽振寒等之証

立方意義 本方証由痰濁或膿血在支氣管

四周粘膜不易咯出而發生咽喉腫痛等証除用甘  
草以促進分泌緩和急迫外加入有溶血作用之桔  
梗刺激支氣管神經增加分泌有開血氣祛疾排膿  
鎮痛之功合用以除氣管和氣管支之痰及由肺癰  
所生之膿悉從咽喉排出同時可將咽喉腫痛予以  
解散

治療標的 以咽喉赤腫而痛吐濁沫為主標的而用之

諸家經驗談 肘後方喉痹桔梗甘草炙各一兩切以水一升煮取服即消有膿即出

小兒方訣 桔散(即本方)治涎熱咽喉不利甘草炒二兩桔梗一兩末泔水浸一宿焙乾用右為末每服大二錢水一盞入阿膠半片炮過煎至五分食後溫服

按 張志聰云案本論湯方甘草俱炙則助脾土而守中生用則和經脈而流通此說極是本方

以生用為宜

薛氏醫案

武選汪用之飲食起居失宜效嗽

吐痰用化痰發散之藥時仲夏脈洪數而無力胸滿  
面赤吐痰腥臭汗出不止(中畧)吐膿血脈數左寸右  
寸為甚用桔梗湯一劑膿頓止再劑全止面色頓白  
仍以憂惶余曰此証面白脈濇不治自愈又用煎藥  
一劑佐以六味丸治之而愈

中國內科醫鑑

毛細氣管支炎如用桔梗湯

桔梗白散可能一舉而收奇效

經驗秘方

治咽喉鬱結聲音不聞於桔梗湯

內加訶子各等分生熟亦各半為細末食後沸湯調服又叶缺叶子如聖湯

三因方 荊芥湯（即本方加荊芥濟生名三神湯）治風熱肺壅咽喉腫痛語聲不出喉中如有物哽噎之痛甚

聖濟總錄 桔梗湯治咽喉生瘡疼痛於本方內加惡實微炒各一兩竹葉十片

編者按 本方隨証加一二味之藥甚多殊難殫述惟在醫者視病情如何而加用之耳

諸家緒論 傷寒大白按甘草瀉心火服之痛

不愈此火邪結住肺中不得外解故以桔梗開發肺  
氣同甘草瀉出肺中伏火因此悟得欲清肺中邪結  
必要開肺清肺二味同用則肺中之邪始出

憑証使用 喉頭炎咽峽炎氣管炎肺癰等

內癰吐濁唾膿桔梗湯加生姜大棗金匱名

### 排膿湯

甘草九五 桔梗一四五 生姜五〇 大棗一二〇

右剉細以水三合煎一合去滓一日分三回溫  
服

証狀表現 原書有方無條文載於瘡癰腸癰

浸淫病脈証並治篇中按金鑑等書以其僅有方而無証刪去然日醫頗能用此方而有療效似不可廢為取錄於桔梗湯下以備學者採用

按東洞說 腫痛急迫用桔梗湯吐濁唾膿多時用排膿湯求真云本方中以含甘草大棗於腹証上右直腹筋攣急醫通謂內癰從嘔膿而出東洞謂諸瘍有膿血或吐粘痰而急迫者就以上諸說可作為本方証狀

己  
立方意義 本方包含桔梗湯當有其証狀也  
如上述加生姜者為健胃開痰消散惡氣而設加大

棗者為滋養緩和潤膜生津而設二味同用亦治慢性氣管支炎合甘桔湯則可知其能使腥臭膿痰易於排出津液不致枯燥腹筋攣急情況亦從而緩解矣

治療標的 以吐粘痰膿血難出而急迫者為主標的而用之

諸家經驗談 續建殊錄一男子某患肺癰其友人佐佐氏投藥爾後膿從口鼻出兩便皆帶膿或身有微熱而時惡寒身體羸瘦殆如不可藥乃來求治先生與排膿湯及伯州散經月而瘳



又 加州士人某患淋病七年百治不效其友人  
有學醫者診之與湯藥兼用七寶丸或梅肉散久  
服無效先生診之小腹攣急陰頭含膿而疼痛不能  
行步乃作排膿湯與之服之數日舊疔全瘳

成績錄 一男子患癰俗謂發背者大如盤一  
醫診之三月不差因轉醫加外治腫痛引股小便難  
大便不通腹鞭滿短氣微喘舌上無苔先生視其硬  
滿與大黃牡丹皮湯穢物下鞭滿減但唯發背自若  
喘滿時加濁唾粘沫如米粥因與排膿湯兼服伯州  
散吐痰數升諸証全愈

諸家緒論 求真用本方者可不問體之上部  
或下部及瘡癰將成與已成無手不可

編者按 本方由上說觀之實有祛痰排膿之  
價值從我個人臨床所見凡胸滿多痰欬嗽急迫脈  
遲弦舌薄白苔者用此方很良效

憑証使用 肺癰及內癰有膿血不易排出唾  
濁腹滿多痰不易咯出者

無效悲傷啼哭如神靈所作甘草湯加小麥大棗金  
匱名

甘麥大棗湯

甘草五五 小麥五九。 大棗五。

右剉細以水二合煎一合去滓一日分三回溫服

証狀表現 原文婦人臟躁喜悲傷欲哭象如神靈所作數久仲甘麥大棗湯主之

編者按 臟躁二字沈尤諸氏均指子宮求真亦云屬子宮丹波元簡非沈尤而是金鑑心臟之說是未審子宮病有神經性証也然此証不獨婦人有之即男女老少亦有之是臟躁一証不專屬子宮病神經性病可知蓋前人所謂心臟者以舊說心臟神

之故藉以代表後世所稱神經系統之一部分未可  
全非也有謂中醫所稱心風西醫名歇斯的里或秘  
走神經証者此病近之喜之一字與本論心煩喜嘔  
之喜字同義頻數之謂也

補充 當有急迫驚狂哭泣笑罵狀態腹部在  
右側下有物攣結塊或小腹有結塊之狀

立方意義 臟躁由心氣不足神經失其所養  
而致甘草內含糖質本經謂主治五臟六腑寒熱邪  
氣(青囊瑣探根據此意治小兒啼哭不止見甘草湯  
故有舒緩神經之作用大棗內含鈣質有鎮靜及收

斂之作用小麥內含淀粉有養心氣緩和神經之作用以茲三者滋養心氣安定神經則臟躁可解日醫謂此方全為食物療法和平之至也誠然

治療標的 以無端發作悲哭怒罵驚狂之狀腹部有拘攣結塊者為主標的而用之

諸家經驗談 本事方鄉里有一婦人數次無故悲泣不止或謂之有祟祈禳請禱備至終不應予忽憶有一証云婦人臟躁云云急令治葯盡劑而愈

婦人良方 鄉先生程虎鄉內人妊娠四五個月遇晝則慘感悲傷淚下數久如有所憑醫與巫兼

治皆無益僕年十四正在齋中習業見說此証而程省元皇皇無計僕遂告知管先生伯同說記憶先人曾說此一証名曰臟躁悲傷非大棗湯即本方不愈虎卿借方看之甚喜對証笑而治藥一投而愈矣

古方便覽 一婦人年二十八無故悲泣不止余診之腹皮攣急小腹有塊即作此方及硝石大丸四五日愈

方輿輓 近有一婦人笑不止諸藥無效予沉思良久笑與哭是出於心之病也因與甘麥大棗湯不日得愈

又 筒屋小兒衛之小郎晝夜啼哭不止用甘  
連紫丸芍藥甘草等無寸效試與甘麥大棗湯一兩  
日而止自是以後用治小兒啼哭甚多

續名醫類案

孫文垣表嫂孀居二十年矣右

癱不能舉動不出戶者三年今則神情恍惚口亂言  
常悲泣診之答曰自亦不知為何故也兩寸脈短澀  
以石菖蒲遠志當歸茯苓參芪朮附蠶沙陳皮甘草  
服四帖稍愈但悲泣如舊夜更泣因思仲景大棗小  
麥湯即本方正與此對兩帖而瘳

諸家緒論

和漢醫學真髓先哲云小兒夜啼

客忤拘攣之在左者為紫胡証在右者宜本方又本  
方煎法先將大棗甘草入水三合煎取一合五勺去  
滓別以小麥五。一八。用五。〇。〇。〇。乃至一〇。〇。〇。  
之水溶解之待上葯煮沸後去火稍待微溫時和入  
攪之令勻更加武火使大沸一滾即止去滓服又歇  
斯的里証非僅限於婦人男子及小兒亦有病之者  
奔豚証亦然

日醫云 凡遇心臟跳動及全身動甚時均可  
用此方

漢法醫典

神經衰弱及歇斯的里重証者用



甘麥大棗湯

藥物圖攷

婦人臟躁多因氣鬱以致血燥上

衝腦部於本方內加重烏藥者附赭石三味每奏奇

功

憑証使用

歇斯的里小兒夜啼舞蹈病胃瘕

攣子宮瘕攣瘕瘕性咳嗽凡屬於神經衰弱者之精

神病等

虺蟲心腹痛吐涎金匱用

甘草粉蜜湯

甘草八〇

蜜一二〇

粉四〇

以水九勺先煮甘草取六勺去滓內粉蜜煎如  
薄粥頓服之

粉之研究按金匱心典白粉即鉛白粉類聚方  
廣義証治摘要皇漢醫學等亦均用鉛粉丹波元簡  
云古方稱粉者米粉也（中卷）蓋此方非殺蟲之劑乃  
不過用甘平胃之品而使虻安應驗之於患者始知  
其妙而已并引千金用梁米粉外台用白梁粉萬氏

保命歌括用粳米粉証明不用鉛粉此外如聖濟總  
錄用葛粉楊氏家藏方用菜豆粉亦均不用鉛粉以  
上兩說孰是孰非就我管見所及純屬虻蟲之証可

採用鉛粉若已用毒藥而不解者則用米粉或白梁粉葛粉菜豆粉以安虻而緩毒是否正確尚希諸大醫家予評定

証狀表現 原文虻蟲之為病令人吐涎心痛發作有時毒藥不止者甘草粉蜜湯主人

立方意義 本方証係由用毒藥治虻病而不止者所用甘草蜜米粉均味甘性平為蟲所喜且甘草素有解百藥毒之稱兼有緩和急迫作用蜜亦滋養潤燥米粉係養腸胃止煩渴合用為甘平安胃之劑可以安虻可以解毒若必須殺蟲驅虻則可以米

粉易鉛粉但鉛粉辛寒有毒用於殺蟲鎮墜止嘔逆  
有殊功而非所以治葯毒也宜分別用之

治療標的 以用毒葯後時發蟲痛吐涎為主  
標的水飲腹痛吐逆為副標的而用之

諸家經驗談 方畱口訣一婦人傍晚熱甚嘔  
逆不止用小柴胡湯不解一醫謂水逆與五苓散益  
劇與此方嘔逆即瘥

方輿輓 此本治蟲痛之方也吾黨活用於水  
飲之腹痛而得效者甚多但此葯若不應手足身體  
即發腫者此胃氣將復之兆也浮腫者不可遽用利

水劑經日則自消矣若或不消者與腎氣丸亦可大  
凡一旦無腫而愈者永不再發百試百效真可謂神  
方矣

千金方 解鳩毒及一切毒藥不止煩懣方(即  
本方)粉用梁米粉

諸家緒論 類聚方廣義余家以錫粉(即鉛粉)  
大黃二味等分為丸名粉黃丸治虻蟲心腹攪痛吐  
白沫者虻下其痛立愈

憑証使用 虻蟲痛水飲腹痛嘔逆中葯毒等  
吐逆胸中急迫者痛者加乾姜傷寒論全匿名

甘草乾姜湯

甘草八分。乾姜四兩。

右剉細以水一合煎五勺去滓頓服

証狀表現 傷寒論傷寒脈浮自汗出小便數

心煩微惡寒脚攣急反與桂枝湯以攻其表此誤也  
得之便厥咽中乾煩躁吐逆者作甘草乾姜湯與之  
以復其陽

金匱 肺痿吐涎沫而不效者其人不渴必遺

尿小便數所以然者以上虛不能制下故也此為肺  
中冷必眩多涎唾甘草乾姜湯以溫之若服湯已渴

者屬消渴

補充 當有手足不溫小便頻數或失禁或有  
頭眩腹痛便澹及吐血下血之証

立方意義 本方証是由痛者胃虛挾寒而起  
故以辛溫祛寒消痰之乾姜合甘平潤燥緩和之甘  
草既可以復胃中之陽且可以解乾姜之燥宜生用  
而不宜灸用於夾食夾陰內外合邪難於發散又難  
於補益之的方

治療標的 以肢冷吐涎煩躁不渴小便數為  
主標的而用之

諸家經驗談 直指方甘草乾姜湯治男女諸  
虛出血胃寒不能引氣歸元無以收約其血

朱氏集驗方 二神湯(即本方)治吐血極妙(中  
畧)每服二錢水一中盞煎至五七沸帶熱呷空心日  
午進之

青州醫談 甘草乾姜湯治毒迫心下而盜汗

又治胸中痛左側卧則左痛右側卧則右痛等証者  
皆毒迫於心胸所致也宜此方又世醫不知此方治  
汗所以能治汗者因氣逆盛毒自內外發故也

又 因癰而角弓反張筋惕氣急急迫或叶呼



者甘草乾姜湯可也

方鬲口訣 不咳而咽不渴遺尿小便數者與此湯有奇效又不煩躁而但吐逆難用苦味藥者用此方而弛緩有奇效又以此方送下黑錫丹治虛候之喘息又此方藥簡而用廣如傷寒之煩躁吐逆肺痿之吐涎沫傷胃之吐血等皆可用之

諸家緒論 証治要訣飲酒過多而衄甚則用理中湯加干葛川芎各半錢或止用乾姜甘草二味類聚方廣義 此方與生乾甘草湯雖同治肺痿然結果適得其反可知乾姜與生姜主治不同也

憑証使用 肺痿盜汗癰症小便頻數或遺尿  
胸痛吐血等一切由於胃中虛寒者  
肺痿吐涎沫咽躁渴者金匱附方名

生姜甘草湯

生姜 一兩。 人參 七。 甘草 大棗 各九五

右剉細以水二合五勺煎一合去滓一日分三  
回溫或冷服

証狀表現 原文生姜甘草湯治肺痿欬吐涎  
沫不止咽躁而渴

補充 當有心下痞鞭腹拘急之証

立方意義 上方用乾姜治肺痿不渴此方用

生薑治肺痿而渴同一姜也乾則主守有停留之性  
生則主散有發揮之性前者以肺中冷小便時自遺  
故用乾姜以守之此則唾涎咽燥而渴祇宜假其揮  
散之性宣其滯氣更合甘草大棗之甘平滋潤緩和  
人參之甘平補虛生津則脾胃得健肺陰有養痞硬  
拘急亦自解矣

治療標的 以吐涎咽燥心下痞硬為主標的  
而用之

按 古今醫家專用於臨床上者甚少大都與

其他各方合用然能就上說而應用於病証亦必有  
效也

芍藥湯類

腹痛拘急難行傷寒論主用

芍藥甘草湯

芍藥 甘草各一四、五

右剉細以水二合煎一合去滓一日分三回溫  
服

証狀表現 原文見甘草乾姜湯以復其陽句

下有若厥愈足溫者更作芍藥甘草湯與之其脚即

伸

補充 亦有手足攣急或消渴及欬嗽之証

立方意義 本方証由腹皮拘急致使脚不得

伸為用芍藥興奮血管甘草舒展神經緩其肌肉同  
具有調整血流與鎮痛之作用而有效於拘急筋攣  
腹痛之証且有補陰祛痰之功為多種病症應用之  
要劑

治療標的 以腹筋拘攣急迫及一般肌肉組  
織緊縮作痛為主標的而用之

諸家經驗談 生生堂醫談有一翁五十餘歲

閒居則安靜稍勞動即身體疼痛不寧家事廢治者  
殆三十年醫藥無一驗來請予治察周身有青筋放  
之毒血迸出即與芍藥甘草湯後來請治十次而復  
常

麻疹一哈 伊勢屋喜八者患麻疹疹後經數

十日自舌本之左邊至牙齦腫痛如刺又自耳後連  
左頰痛楚不堪呻吟之聲達於四鄰更醫十一人遷  
延自若請予診治舌本強直腫痛不能言按其腹自  
心下至臍上惟腹皮拘急甚而無他異乃作芍藥甘  
草湯使飲之下利二三行三日痛楚減半二十日許

腫痛全愈已能言語矣再為詳悉腹候胸腹微滿時  
感微痛以紫圓攻之每下利如傾約十日許用一次  
約經百日許諸証治愈而健食倍常云

建殊錄

雲州醫生祝求馬年二十許一日忽

苦跟痛如錐刺如刀刮不可觸迫眾醫無能處方者  
有一瘍醫以為當有膿以刀劈之亦無效於是迎先  
生診之腹皮按之拘急不弛作芍藥甘草湯使飲之  
一服即已

醫學心悟

芍藥甘草湯止腹痛如神脈遲為

寒加乾姜脈洪為熱加黃連

藥物圖攷 熱痢渴甚加黃連於芍藥湯中服  
之效如桴鼓

尾台氏 治腹中攣急而痛小兒夜啼不止腹  
中攣急甚者亦有奇效

葉橘泉 本方對於足腓腸肌攣痛確有不可  
思議之效果

中國內科醫鑑 腎臟結石疝痛發作之際腹  
診上腹筋如板之硬固身體前傾營深呼吸則增痛  
者此所謂呼吸在淺表也此際先與芍藥甘草湯西  
醫往往注射莫爾希納噴篤撲阿篤洛批等若兼用



本方往往奏效神速

諸家緒論

李東垣洩痢膿血稠粘腹痛或後

重身熱久不愈脈促疾者本方加黃芩名芍藥黃芩  
湯或加桂少許溫服無時

魏方家藏方

六丰湯(即本方)治濕熱脚氣不

能行步者

朱氏集驗方

去收湯(即本方)治脚弱無力行

步艱難友人戴明遠用之有驗

活人類証

神功散(即本方)治消渴

編者按

各方劑中包含本方証甚多學者須

知之

憑証使用 腎結石疝痛足腓腸肌攣痛痢疾  
腹痛消渴及一切攣痛諸証

以下為芍藥甘草湯之加減方

有芍藥甘草湯証惡寒足冷脈沈細加附子傷寒論  
名

芍藥甘草附子湯

芍藥 甘草各一四五 附子五。

右剉細以水三合煎一合去滓一日分三回溫

服

証狀表現 原文發汗病不解反惡寒者虛故也芍藥甘草附子湯主之

補充 當有腹痛骨節痛下肢冷痛攣急或麻痺之証

立方意義 上方証見虛寒之狀加入辛熱之附子溫經通絡運行水毒振奮機能以補陽而以酸寒之芍藥調協神經疏解血絡以補陰甘平之甘草弛緩神經滋養陰血以調中如是則寒去陽復而經脈得舒血利陰平而氣機得轉病其有不退者哉

治療標的 以腹痛骨痛惡寒攣急為主標的

脈沈遲肢冷為副標的而用之

諸家經驗談 類聚方廣義此方加大黃名芍藥附子大黃湯治寒疝腹中拘急惡寒甚腰腳攣痛牽丸踰腫二便不利者有奇效

方函口訣 本方附子代以草烏頭有治蟲積痛之妙又活用於疝病或痛風鶴膝風等濕毒之後足大冷者亦可用之

張氏醫通 芍藥甘草附子湯治瘡家發汗而成痙者

諸家緒論

柯韻伯案少陰亡陽之証未曾三

方本方恰與此証相合（下畧）

編者按 此方在當時編者王叔和氏已疑此方非仲景意似不可用柯氏則謂本方可補少陰亡陽之証為仲景隱而未發之旨丹波元簡云芍藥甘草湯中加附子為陰陽雙救之意兩說已明確再參攷脈証方義與前醫所記自可以應用無差矣

憑証使用 腰神經痛坐骨神經痛關節強直

証寒疝風痛等証

芍藥湯証腹痛煩滿不得卧以甘草易枳實金匱名

枳實芍藥散

原書枳實燒令黑勿太過芍藥等分

右二味杵為散服方寸匕日三服並主癰膿以  
麥粥下之

尤註 枳實燒令黑能入血行滯用芍藥為和  
血止痛之劑

魏注 大麥粥取其滑潤宜血且有益胃氣也  
求真說 現在不用麥粥可改如左之煎劑枳  
實芍藥各六、。右剉細以水二合五勺煎成一合  
去滓一日分三回溫或冷服

証狀表現 原文產後腹痛煩滿不得卧枳實

芍藥散主之

補充 當有嘔吐不食小便不利或泄痢下重

舌正赤色之証

立方意義產後由血滯兼水滯所生腹痛煩滿証用枳實以開膈消痞而行水芍藥以通血脈散瘀血而斂陰氣再加入涼滑之大麥粥以助胃氣而除熱則滯行血和鬱散熱消而病解矣

治療標的 以腹滿拘攣作痛為主標的胸煩嘔吐為副標的而用之

諸家緒論

朱丹溪芍藥產後禁用程氏辨其

誤極是又在排膿散中去桔梗不用鷄子黃用麥粥  
立方之意稍近故并治癰膿乎

編者按 本方與排膿散無大相異處此不用  
桔梗者以吐粘痰少見也至麥粥與鷄子黃均為滋  
養之品此用麥粥者以大麥清涼有益氣除熱之能  
若排膿散改用鷄子黃加用桔梗不過為此方加減  
法耳排膿散見下

憑証使用 腹筋攣結腹痛煩滿由水血鬱滯  
小便不利者

金匱要略瘡癰腸癰浸淫病之脈証並治在枳實芍



芍散內加桔梗名

排膿散

枳實十六枚 芍藥六分 桔梗二分

右三味杵為散取鷄子黃一枚以藥散與鷄子黃相等揉和令相得飲和服之日一服

証狀表現 原書無脉証

編者按 金鑑程(郊倩)本均無此方求真引東

洞說治瘡家胸腹拘滿或吐粘痰或便膿血又有瘡癰而胸腹拘滿者主之誠是也我謂仍宜與枳實芍藥散參合觀之始備

之

三方意義

此方証由粘痰或污物積滯而致胸腹拘滿茲用桔梗利氣祛痰合枳實芍藥以破滯利膈下氣通血再加入鷄子黃之甘潤以補陰清熱既已氣利血行熱清滯去則在上者所生腐敗之物自能驅之從上出在下者所生之腐敗物亦自能驅從下出尤氏稱為排膿化毒之本不虛也

治療標的

以胸腹拘滿而痛欬吐粘痰及內

癰化膿為主標的而用之

諸家經驗談

成績錄加賀侯之臣某便膿血已

五年來浪華從醫治三年一門人雖與桂枝加朮附

附湯及七寶丸無效遂請先生診之腹滿掣急少腹  
鞭而底有硬物重按之則痛乃與排膿散受劑而去  
未幾來謝曰宿疔盡除矣

類聚方廣義 骨槽風（齒槽膿瘍）膿潰後不收  
口者必因毒之根蒂著於齒根故不拔去其齒決不  
能全治須先拔去其齒而後可與此方必有效也

又 產後惡露壅滯發為小腹癰臂癰等腹部  
拘攣而痛大便泄利心下痞塞不欲飲食而有嘔有  
效者亦宜此方兼用伯州散（蝮蛇河蟹鹿茸各為霜  
為細末）

諸家緒論 方園口訣此方排搗諸瘡瘍為最  
有效其妙處在桔梗合枳實局方之人參敗毒散連  
用枳壳桔梗亦此方意

張氏醫通 排膿散治內癰膿由便而出

憑証使用 凡化膿性疾患及排膿血之諸疾  
患並粘痰難以咯出而發欬嗽之病(漢方新解)

半夏湯類

嘔吐吃逆不渴食不下金匱主用

小半夏湯

半夏九六 生姜六四

右剉細以水一合五勺煎五勺去滓放冷微量頓服之

証狀表現 原文黃疸病小便色不變欲自利

腹滿而喘不可除熱除熱必噦噦者小半夏湯主之

又 諸嘔吐穀不得下者小半夏湯主之

補充 當有尿少而色不黃口不渴或水停心

下作痞之証

立方意義 本方証由於胃部水飲停蓄而上

逆故用生姜散寒行水降氣止嘔半夏開胃健脾降

逆消飲脾胃有運化之能水氣循下行之道則穀食  
得下嘔噦不作黃疸亦隨之而隱滅矣

治療標的 以胃部停水嘔吐吃逆不渴為主  
標的而用之

諸家經驗談 楊氏家藏方水玉湯(即本方)治  
肩稜骨痛不可忍者此痰厥也又於本方加甘草名  
殊勝湯去痰涎進飲食

千金方 小半夏湯病心腹虛冷遊痰氣上胸  
脇痛不下食嘔逆者加橘皮或加桂心甘草

外台 引集驗療氣噎不下食兼嘔吐用本方

以東流水煎服又引文仲療脚氣入心悶絕欲死又引深師通氣湯(即本方加桂心大棗)療胸脇氣噎廣濟於本方加桂心橘皮

濟生方

玉液湯(即本方治七情傷感氣鬱生

涎隨氣上逆頭目眩運心嘈忪悸眉稜骨痛入沉香一呷溫服

脚氣鈎要

愚常用小半夏湯治脚氣吐仍不

止者加鐵砂屢取效

聖濟總錄

小半夏湯治霍亂嘔吐涎沫醫友

下之作心下痞者

諸家緒論 千金方有人常積氣結而死其心尚暖以此湯少許汁入口中即活

類聚方廣義 諸病嘔吐甚或病人惡湯藥而嘔吐惡心不能服對証方者皆宜兼用此方

方園口訣 此方為嘔家之聖劑尤以水飲嘔吐為宜水飲証心下痞硬背七八椎處冷如掌大者若以此等証為目的而用此方則百發百中焉

憑証使用 慢性胃炎眩暈眉稜骨痛等由於水毒上逆者

小半夏湯証而有寒飲結於胸中時時惡泛喘噦嘔



吐不得生姜取汁用金匱名

生姜半夏湯

半夏一六。 生姜汁四勺

以水一合一勺煮半夏取七勺內生姜汁煮取  
五勺冷却頻服

証狀表現 原文病人胸中似喘不喘似噦不

噦似嘔不嘔徹心中憤憤然無可奈何者生姜半夏  
湯主之

立方意義 本方即小半夏湯所異者在生姜

用汁則降逆之力少而散結之力多乃正治飲氣相

搏欲出不出之良法也（引尤在涇說）又與半夏乾姜湯畧同彼溫中氣故用乾姜此散停飲故用生姜彼因嘔吐上逆頓服之則藥力猛峻足以止逆降氣而除嘔吐此則由心中無奈寒飲內結難以猝消故分為四服（方後原文分四服）使胸中邪氣徐徐而散也待小冷服者（方後原文有小冷字）恐寒飲固結於中拒熱藥而不納反致嘔逆今用熱藥冷服下咽之後冷體既消熱性便發情且不達而致大益此內經之旨也（引李杲說）就上兩說觀之足以闡發本方之意義矣

治療標的 以寒飲在胸惡心作逆為主標的  
而用之

諸家經驗談 外台引必效療腳氣方(即本方  
每日一劑空腹一服盡三劑必好此梁公家出方奇  
異神效又引文仲療腳氣入心悶絕欲死者分四服  
極效又引深師療傷寒病嘔不止半夏散(以半夏為  
散生姜湯和服一錢匙)

類聚方廣義 凡諸疾飲卒迫咽喉閉塞不得  
息湯藥難以下咽者若非此方不能開通當先以此  
方解其急後可隨宜處方若加熊胆其效尤速又能

治噦逆

仁齋直指方 半夏丸(即本方為丸)治吐血下  
血崩中帶下而喘痰嘔中滿虛腫

編者按 本方為丸服者非一大都以用於水

毒証為適

憑証使用 脚氣衝心型一切血証及諸痰飲

噦逆之証

小半夏湯証而乾嘔吐逆吐涎以生姜易乾姜加醋煎  
金匱名

半夏乾姜湯

半夏 乾姜各等分

右為細末混和以醋二勺和水一合二勺煮藥末四、。取五勺頓服之

証狀表現 原文乾嘔吐逆吐涎沫半夏乾姜散主之

立方意義 本方証由胃陽不足脾濕不化而起故用半夏之辛以降逆乾姜之熱以溫脾借漿水之酸溫以留念關絡藉頓服之猛峻以速其下行既異於生姜半夏湯亦不同於小半夏湯隨証變化靈活無比

治療標的 以脾胃虛寒嘔逆吐涎為主標的  
而用之

諸家經驗談 聖惠方於本方加白矾燒灰為  
末以生姜汁煮麩糊和為丸以姜棗湯下治痰逆暖  
胃口惡飲食方

編者按 古今醫家單用此方者甚少故無經  
驗與緒論之採擇然此方必為仲景氏或由仲景以  
前醫家曾經使用有效而筆之於書留傳於後人者  
如按其証狀而應用於臨床上與小半夏湯生姜半  
夏湯參合治療則有輔車相依之勢不可廢也求真

氏祇知此方為包含小青龍湯乾姜半夏人參丸半  
夏瀉心湯等之方意而謂本方於實際上不甚緊要  
是因為多數醫家習用小半夏湯或生姜半夏湯而  
不習用此散之故要知生姜乾姜均有除寒散結之  
能惟生姜升散之力較強而守中溫陽則遠遜於乾  
姜且上二方一用姜煎一用姜汁此方姜夏為散加  
醋服用與上二方用法服法不同因為脾胃虛寒須  
以辛熱留念之品溫其陽兼通其心腎燥其濕兼化  
其痰水立方之義有取於此求真謂於實際上不甚  
緊要者總由前人以為有同類兩湯足備應付遂視

此方為駢姆枝指不予考慮使用耳

憑証使用 比小半夏湯生姜半夏湯鎮嘔逆

吐涎等為強

以下為小半夏湯加方

有小半夏湯証心下痞眩悸者加茯苓金匱名

小半夏加茯苓湯

半夏 七二 生姜 四八 茯苓 二四

煎法用法同小半夏湯

証狀表現 原文卒嘔吐心下痞膈間有水眩

悸者小半夏加茯苓湯主之



又嘔家本渴渴者為欲解也今反不渴者心  
下有支飲故也小半夏加茯苓湯主之

又先渴後嘔為水停心下此屬飲家小半夏  
加茯苓湯主之

補充 當有身熱微煩或不食之証

立方意義 小半夏湯原治水毒停胃痞滿嘔  
逆之証茲則水停心下而眩悸此由水氣凌心所致  
故加入味甘性平能通心腎之茯苓以生津利水除  
煩解熱即可也

治療標的 以有小半夏湯証而心悸小便不

利為主標的而用之

諸家經驗談 叢桂亭醫事小言一商人患喘

氣欬嗽甚一身皆腫呼吸迫促有衝心之兆與越婢  
加朮附無驗轉豁胸湯又無效與甘遂丸不下利一  
日忽嘔逆水葯皆不受氣息急迫不能平卧坐而按  
摩脊背陰囊腫脹寸許不安以其嘔甚投小丰夏加

時

茯苓湯能飲而不吐次日依然但欲其少嘔吐故使  
連服之三日許嘔吐止而食粥小便清利故猶用前  
方逐日快利腫亦隨消呼吸安穩得以平卧乃更守  
服前方三十日許全愈

方輿輓 西尾氏曾於途中卒發眩暈從者來  
請予治即往診之脈細欲絕座中一醫云虛候可畏  
余潛心診之脈與証雖似危候但嘔多悸甚心下痞  
滿此乃仲景氏所謂膈間有水之一証也決不足慮  
乃作大劑小半夏加茯苓湯連服五六帖至次早數  
証稍安續用前方數日雖漸痊可惟有眩暈意因用  
澤瀉湯二三劑而平復余過此証卒發者兩三人皆  
以方取效

此 瘦

橘書書影

米屋彌兵衛傷寒數十日不解羸

骨立臍上築築而動悸甚飲食不納脈虛數瀕於死

余以為厥陰正証與烏梅丸其人惡藥臭不能服消渴殊甚即與小半夏加茯苓湯雜以前丸服之五日嘔吐止諸証退連服三十餘日病全愈來謝更生之恩

漢葯神效方 原南陽曰惡阻不能受葯者可加伏龍肝一錢置器中用水二盞攪之後靜置使澄取一盃半用此水煎服小半夏加茯苓湯無不受者不但治惡阻嘔吐用於諸病嘔逆諸醫所束手者皆得奇驗

漢法醫典 真霍亂吐甚下痢用小半夏加茯

苓湯加人參

諸家緒論

直指方有服冷藥過度胃寒停水

潮熱而嘔或身熱微煩此則陽浮於外而不內非小  
半夏加茯苓湯不可也又小半夏加茯苓湯治水結  
胸証心下忪滿無大汗頭汗出

湯本求真

胸膈有停水其証有吐水者有眩

暈者有動氣者有因動氣而呼吸不穩者皆以小半  
夏加茯苓石膏或半夏瀉心湯加石膏等能取效其  
尤輕者桂苓朮甘湯之頭眩小半夏加茯苓湯之心  
下停水皆所以燥水飲利小便而為治也此等處能

熱

注意用石膏用附子皆可奏非常之效又云嘔吐甚者加橘皮以伏龍肝汁即灶心黄土煎湯煎用

編者按

本方合橘皮湯加伏龍肝日本醫家

名虎翼飲云對於妊娠及其他之嘔吐有神效此外如漢方新解証治摘要等書皆加伏龍肝葉橘泉氏云余對妊娠嘔吐屢用本方煎劑加伏龍肝百分之九十可奏效編者在臨床遇嘔吐難解之証除用旋覆赭石外用此湯時均加灶心土效果確實茲則民間多改用煤爐以灶煮食者漸少灶心土不易取得可仿照葉橘泉氏所述火磚湯之辦法不論新舊磚

瓦皆可取一二塊置炭火上燒紅用清水一大盆將  
燒紅之磚瓦淬入水中再燒再淬次數愈多愈佳即  
將此水煎藥餘水仍可取以代茶功效方佳即對於  
普通嘔吐以及慢性胃病之嘔吐均效此在臨床治  
療上可云一發明醫家病家當推廣用之

千金方 茯苓湯(即本方加桂心)方後云冷極  
者加附子氣滿加檳榔

和劑局方 茯苓半夏湯(即本方)治停痰留飲  
胸膈滿悶欬嘔吐氣短惡心以致飲食不下

脚氣概論 治脚氣嘔吐甚諸藥不納者按外

台必效療脚氣方及文仲療脚氣入心悶絕欲死者  
方並用小半夏湯吾邦原南陽山田業廣亦善用小  
半夏加茯苓湯治脚氣險証

憑証使用 水腫性脚氣伴起嘔吐者葉橘泉  
氏云極有效瘧疾眩暈及欬喘伴有類似腎臟炎之  
狀者

妊娠有半夏乾姜散証而心下痞鞭嘔吐不止加入  
參金匱名

乾姜半夏人參丸

乾姜 人參各四。 半夏八。



右為細末以生姜汁及米糊為丸一服四。  
若改為湯劑可加生姜以水三合煎一合去滓  
一日分三回服

証狀表現 原文妊娠嘔吐不止乾姜半夏人  
參丸主之

補充 當有脈微細四肢微冷心下痞鞭之証  
立方意義 本方証先因脾胃虛弱津液停蓄  
而為痰飲至妊娠二月之後濁陰上衝痰食遂湧故  
用乾姜止寒人參補虛生姜治痰散逆(引張璐說)為  
丸以收緩緩補益之功用治虛寒妊娠家甚善(引魏

玉璜說合兩說觀之足以闡明本方之意義矣

治療標的 以脾胃虛寒嘔吐不止而心下痞

鞭者為主標的脈細肢冷為副標的而用之

諸家經驗談 橘窗書影安井仲平之妻年二

十餘產後胃中不和時吐飲食羸瘦已極遂發大嘔  
吐葯食不入脈微細四肢微冷口乾燥欲冷水醫束手  
無如何余診之作乾姜半夏人參丸料煎而待冷  
時時使飲一蛤許又以冷水送下烏梅丸葯始下咽  
嘔吐止經二三日啜稀粥胃氣漸復用前方月餘愈  
而肥胖

飲

又 池田播磨守號萬籟其妾年四十餘常有吐水之癖經炎暑其病益甚餘食不能進身體骨立心中熱疼好飲冷水西醫五六輩療之更無效余與半夏乾姜人參丸料兼用烏梅丸嘔吐頓止心中熱疼日漸減少飲食得以漸進萬籟謝曰余五十年來誤信西醫不知中醫之治有如是之速效者真不堪慚愧矣

方函口訣 此方本治惡阻之丸方但今以丸料用於諸嘔吐不止胃氣虛者有捷效

溫知堂雜著 此方不但治惡阻亦可運用於

諸病余與暴瀉病之嘔吐不止者即得效

幼幼新書 本方加茯苓蜜丸名人參丸治小

兒調中止痢去冷進食

聖惠方 治妊娠惡阻醋心胸中冷腹痛不能

飲食輒吐青黃汁用半夏丸(即本方三味等分為末以地黃汁浸蒸餅為丸如梧桐子大)每服不計時候以粥飲下十九

諸家緒論 尤在涇此益虛溫胃之法為妊娠

中虛而有寒飲者設又妊娠之體精凝血聚每多蘊而成熱者按外台方青竹茹橘皮半夏各兩生姜茯

苓各四兩麥冬人參各三兩為治胃熱氣逆嘔吐之法可補仲景之未備

編者按 尤氏所引外台方即本方之加味方對於脾胃不甚虛寒而嘔逆者有大效學者須知用之

又按 上方半夏乾姜為散治脾胃虛寒嘔吐此用半夏乾姜為丸同治脾胃虛寒証祇因心下有虛痞之狀而加入人參更用生姜汁則又兼有生姜半夏湯合方之意從可知小半夏湯生姜半夏湯半夏乾姜散三方有共通互用之必要然必確知病者

係由脾胃虛寒而發生嘔吐之証即在妊娠亦須用之若心下不見虛痞則有小半夏湯加伏龍肝法若眩暈心悸有加茯苓法若蘊熱在內有外台方加味法均可活用之也

憑証使用 慢性胃炎胃弛緩妊娠惡阻由於

脾胃虛寒者

有小半夏加茯苓湯証而咽中粘粘如有物者加厚朴蘇葉金匱名

半夏厚朴湯

半夏一四五厚朴三五茯苓五。生姜六。蘇葉（求真

經驗用子可從之一二。

右剉細以水二合煎一合去滓一日分三回溫  
或冷服

証狀表現 原文婦人咽中如有炙臠半夏厚  
朴湯主之

補充 當有心氣鬱滯眩悸喉中有物如絮或  
如梅核咯之不出嚥之不下承意頻數滿悶或惡心  
或欬嗽等

立方意義 本方証由喜怒不節而致心氣鬱  
結在胸腹則感脹滿上衝咽喉則感塞碍用厚朴紫

蘇以消痰下氣而除腹滿兼以疏解神經性之鬱悶  
用茯苓不徒行濕利水且有通心氣安神經之能至  
於半夏功多行於咽喉與生姜並用則有通氣燥濕  
化痰止嘔之妙（用楊華亭語尤其半夏兼具有消除  
神經憂鬱而獲得鎮靜鎮痙之作用則凡屬於此類  
神經証之咳嗽胸滿喉塞氣喘水腫諸証皆可解也  
治療標的 以具有小半夏湯証之神經性眩  
悸胸滿喉塞氣阻為主標的而用之

諸家經驗談 醫方口訣集拾蒼吳球治一官  
者年七十少年患虛損好服補劑一日事不遂意頭



目眩暈精神短少諸醫調治疊服人參養榮補中益氣等湯及固本丸湯並進氣急反加吳診其脈大力薄得其病情由抑鬱而致遂用四七湯(即本方)數服稍寬氣血和平決旬而愈(節錄)

孫氏三吳醫案 張溪亭喉中梗阻如有炙癆

吞之不下吐之不出鼻塞頭暈短氣耳常啾啾不安汗出如雨心驚胆怯不敢出門若稍見風即遍身疼至小便時則小水淋瀝而痛脹兩寸短兩關滑大右關尤搏指此梅核氣証也與本方調理多效

叢桂亭醫事小言 一士人之婦患急積飲食

入口滴水下咽即煩躁欲死而腹滿仍不可進藥脈  
平穩患者覺喉中梗塞看護人努力按撫心背仍覺  
有物逆上心下其滄勢而引張腹氣先與半夏厚朴  
湯得小快更經至四日而復原（節錄）

湯本求真 曾治十歲女兒咳嗽頻發短氣汗  
出如雨尿利頻數尿後尿道微痛與本方二分之一  
得奇效

漢藥神效方 多紀氏田治梅核氣用本方加  
浮石最有奇效

方圍口訣 本方如浮石有效於噎膈之輕証

又凡腹形有血水二毒痼滯者皆可以此方取奇效  
中國內科醫鑑 本方對於歇斯的里証取神  
效

中醫診療要覽 癆病(歇斯的里)感覺咽喉有  
物堵塞欲咽不能下欲吐不能出但飲食並無障礙  
者乃歇斯的里之一証狀用此方有效

漢方新解 神經家歇斯的里家多本方証試  
以本方當知其效又用於妊娠嘔吐及其他嘔吐等  
証

王氏易簡方 婦人多被七情所傷遂致氣填

胸腹或如梅核上塞咽喉者滿悶欲絕產婦尤多此証間以香附子藥久服取效婦人惡阻尤宜服之一名大七氣湯

諸家緒論 漢方治療各論半夏厚朴湯皮膚  
纖弱腹壁薄而弛緩或輕度鼓脹脈沈弱者用之

方機 若感冒桂枝之証而有痰飲者桂枝湯  
合方屢所經驗也

求真 虛証不眠以應用半夏厚朴湯之機會  
甚多

藥物圖攷 本方為治梅核氣特效藥蘇葉宜

用蘇子

編者按 後世醫家多以此方用於氣疾故有  
名大七氣湯四七湯七氣湯者每加減本方藥味而  
改易七氣四氣之名如直指桂枝四七湯加減四七  
湯加味四七湯(回春亦有加味四七湯)丹溪心法更  
別有大七氣湯加減七氣湯復有和劑七氣湯三因  
七氣湯指迷七氣湯等其中有加減本方者亦竟有  
失去本方主藥者終以藥味分歧不能統一學者仍  
宜根據經方再隨証處以應變之藥可耳

憑証使用

歇斯的里失眠証神經性嘔吐婦

人惡阻慢性胃炎一切氣病及腹脇脹滿煩欬等

以下小半夏湯之變方

心下痞鞭噫氣不除於乾姜半夏人參丸內加赭石  
旋復草棗傷寒論名

旋復花代赭石湯

旋復花 甘草 大棗各五 人參三五 生姜九五

半夏二〇 代赭石 一八（一作三〇）

煎法用法同小柴胡湯

証狀表現 原文傷寒發汗若吐若下解後心

下痞鞭噫氣不除者旋復花代赭石湯主之

補充 當有大便秘或吐嘔噦脈弦滑或洪數或左關洪數有力而右虛參用王雨三說

立方意義 本方証由胃虛氣逆夾有痰飲所致用旋復花以健胃下氣消痰代赭石鎮逆平肝養陰人參強心補虛消痞半夏生姜燥濕化痰下氣甘草大棗調中生津緩急協作以除噫氣止嘔逆去痰飲益脾胃消痞硬為治虛氣上逆之妙藥

治療標的 以心下痞噫氣不除及上逆嘔吐為主標的而用之

諸家經驗談

錦囊秘錄引周揚俊云余每借

用代赭旋復湯治反胃噎食氣逆不降者有神效

中國內科醫鑑 食道癌之患者與以旋復代

赭石湯可得非常良效之成績

北山友松 嘔逆諸治無效者及不能服諸嘔

逆葯者投以旋復代赭石湯有效

傷寒附翼 旋復半夏調代赭石治頑痰結於

胸膈或涎沫上湧者最佳挾虛者加人參甚效

喻氏寓意草 治一人膈氣粒食不入始吐清

水次吐綠水次吐黑水次吐臭水呼吸將絕一晝夜  
先服理中六劑不合其絕(中畧)以分理陰陽使之易



於下降然後用旋復花煎湯調代赭石末二匙與之  
才入口即覺其轉入丹田矣但倦困之極服補藥二  
十劑將息二月而愈又喻氏云昌用旋復代赭石湯  
治反胃多痰氣逆噦者愈十人矣

沈仲圭 治一建築工人噫氣聲聲不絕舌無

苔舌心有脫液一條除噫氣外他無所苦初用溫胆  
湯加代赭石旋復花無少效易方用代赭石旋復花  
生姜半夏茯苓陳皮砂仁沙參麥冬白芍沉香曲枳  
杷葉有覆杯即愈之效

按 從本方基礎上擴充或增或減者非僅沈

氏一人此方多增入滋潤下氣之品是因為舌有脫液見証學者宜注意及之

諸家緒論 方函口訣此方治生姜瀉心湯証之更劇者今用於嘔吐諸証大便秘結者有效下利不止而嘔吐或吐宿水者亦有效一宜秘結一宜下利其妙不可拘有表裏也又治噦逆屬於水飲者

憑証使用 神經性胃痛慢性胃卡他胃擴張胃下垂胃酸過多胃潰瘍或胃癌之初期等(臨証實用方劑)

胃反食入即吐於乾姜半夏人參丸內去乾姜加蜂

蜜金匱名

大半夏湯

半夏二升。人參三升。蜂蜜三升。

方後原文右三味以水一斗二升和蜜揚之二  
百四十遍煮藥取二升半溫服一升餘分再服  
今為便利起見煎用如下法

煎法用法同小柴胡湯

証狀表現 原文胃反嘔吐者大半夏湯主之  
補充 當有心下痞鞭宿食宿食吐涎或便秘

之証

立方意義 本方証由脾胃虛而有濕停留以致食入不納故用半夏以燥濕止嘔而消宿食佐人參以振奮脾胃機能而除心下虛痞入蜂蜜以滋養胃腸緩和急迫而通利大便脾胃既復其健運水液即得有所歸濕行則胃不反食入亦自不吐矣

治療標的 以下痞鞭吐食吐涎為主標的而用之

諸家經驗談 建殊錄食野喜兵衛之家僕元吉者年二十餘膈噎已二年許十日五日必發頃者胸腹脹滿舉體愈不安眾醫皆以為不治先生作大

半夏湯使飲之輒吐每吐必雜粘痰至八九日葯始  
得下飲食不復吐出入二月許而全愈

麻疹一哈

橘本忠家年三十餘疹子已出發

熱尤未已疹欲收不收卒爾吐飲食湯葯亦吐如是  
二三日前醫不能治更請余治按其腹狀心下痞鞭  
胸腹漉漉有水聲因作大半夏湯使飲盡二帖欲吐  
不吐胸中憤憤不安盡三帖後少能就睡寢後下利  
二三行吐全已而身熱猶未解煩滿引飲更作黃連  
甘草湯使飲之盡十帖前証漸退疹之全收前後十  
八九日許如舊

子

諸家緒論 醫心方引范汪治胸中乏氣而歐  
欲死本方加茯苓生姜共入六升水中撓之百遍冷  
煮得三升分四服

經驗後方 治大人小兒不進乳食和氣去痰  
本方加生姜汁曝乾糊丸每服十丸食後生姜湯下  
千金方 大半夏湯(本方加白朮生姜)張石頑  
云可佐參半之祛痰且善行白蜜之滯也

編者按 以上三方均加生姜即小半夏湯加  
味方學者可活用之

三因方 大半夏湯(即本方)治心氣不行鬱生

涎飲聚結不散心下痞鞭腸中瀝瀝有聲食入即吐  
憑証使用 胃弱胃弛緩下垂胃擴張慢性胃  
卡他胃內停水胃酸缺乏胃癌之初期等  
咽喉腫痛語言難出小半夏湯去生姜加苦酒鷄卵  
傷寒論名

半夏苦酒湯

半夏二。鷄卵一個去壳及黃米醋即苦酒適量

方後原文鷄子一枚去卵黃內上苦酒着鷄子  
壳中內半夏着苦酒中以鷄子壳置刀環中安  
火上令三沸去滓少少含嚥之不差更作三劑

今以半夏鷄子清加適量之食醋在短時間  
內煮沸去滓以少量徐徐嚥下

証狀表現 原文少陰病咽中傷生瘡不能語  
言聲不出者半夏苦酒湯主之

補充 當有熱痰上結嚥下困難之證

立方意義 少陰証熱浮於上聚於咽喉而生  
瘡或雖不生瘡而致熱痰凝結妨碍嚥下半夏消痰  
開結治喉痛尤有功蛋白消毒緩痛對於喉痛亦有  
效苦酒消毒消腫尤能溶解咽頭凝結性之寒邪合  
用以清腫止痛稀釋粘液清利咽喉其病即治

消



治療標的 以咽喉腫痛熱痰上結為主標的  
而用之

諸家經驗談 生生堂治驗一男子年二十患

下疳瘡其毒遂上攻右耳潰聾咽喉腐爛自喉外發  
瘡嗣後咽喉腫痛米粒不能下久之唯待死耳先生  
省之且使門弟子診之主用七寶丸或龍門丸先生  
曰否斯人糧道已絕胃氣久憊但損其器末如之何  
因與半夏苦酒湯使啣而飲之明日來人云咽痛如  
忘腫亦隨消旬餘其腹頗足當其毒因與桃仁解毒  
湯而行重法後以龍門丸下之一二月耳亦能聞矣

按 錢氏云今之優人每遇聲啞即以生鷄白  
啖之聲音即出亦此方之遺意也

外台 引錄驗鷄子湯（即本方療喉痺半夏末

一味開鷄子頭去中黃白盛淳苦酒令小滿內半夏  
末著中攪令鷄子著刀子環令穩炭上令沸葯成置  
杯中及煖稍咽之其腫即減

聖惠方 治咽喉如有物嚙唾不得宜服此方

（即本方半夏破如碁子大湯洗七遍去滑右以鷄子  
一枚打破其頭出黃白內半夏并入醋於壳中令滿  
微火煎去半夏候冷飲之即愈

聖濟總錄

治狗咽鷄子法(即本方半夏用姜

汁漉為餅子焙乾研細鷄子一枚并開鷄子頭去黃  
又盛苦酒一半入半夏末壳中攪令勻安鷄子坐於  
塘灰火中慢煎沸熟取出候稍冷就壳分溫三服

編者按 錄驗半夏用末鷄子去黃白煖燻之

聖惠半夏不用末鷄子亦去黃冷飲之聖濟用姜汁  
漉半夏焙研細末鷄子去黃不去白溫服之三書用  
法較有不同但就仲景氏原方而論鷄子不用白已  
非既就治療而論不用白亦失去消炎之作用傷寒  
論淺註補正蔚按用鷄子白助肺以滋上源之言頗

得大要若去白而用壳將何以取義哉學者於此等處可以攷知仲景之方非後世醫家所能輕易改易也

諸家緒論 類聚方廣義本方服法亦云少少  
嚥之蓋咽中腫痛或生瘡者腫必及於會厭故多嚥  
則過咽必少若使冷而徐徐含嚥時不特藥汁易下  
亦可浸漬瘡處是以外治而寓內治之法用意最密  
也

憑証使用 咽喉焮痛喉炎喉痺喉結核喉梅

毒初期輕証

喉燥欬逆呼吸短促金匱用

麥門冬湯

麥冬二〇五 半夏一〇〇 人參 甘草各二〇

粳米五〇 大棗二五

右剉細以水二合煎一合去滓一日分三回(原文日三夜一服)溫服

証狀表現 原文大逆上氣咽喉不利止逆下氣者麥門冬湯主之

玉函經 病後勞復發熱者麥門冬湯主之

補充 當有咽燥口渴欬嗽上氣呼吸淺短或

手足煩熱面赤脈弦數等

立方意義 本方証多由心肺火升而引起咳嗽上氣諸証故以麥門冬潤肺清心利尿下氣人參補氣強心生津健胃甘草緩急補虛祛痰止咳粳米大棗滋養緩和潤膜生津所用皆柔潤之品而必取辛燥之半夏者意在開濁飲通壅塞利咽喉為各味導路之先鋒而設喻氏稱其利咽下氣非半夏之功實善用半夏之功得其旨矣

治療標的 以喉中乾燥上氣欬吐涎沫為主標的面赤口渴脈弦數為副標的而用之

諸家經驗談

方園口訣此方肘后云通於肺

痿欬吐涎沫不止咽燥而渴者為的治也金匱有火  
逆上氣句雖漫然不確蓋肺痿頓嗽勞嗽妊娠欬嗽  
等有火逆上氣之意味若用之則有大效又小兒久  
欬此方加石膏有妙驗欬血若用千金麥門冬湯類  
方之意加地黃阿膠則適合而能奏效仿聖惠五味  
散意加五味桑白皮則欬逆甚者有效又老人津液  
枯槁食物難以下咽類似膈証者亦可用之又大病  
後飲藥嫌惡咽下有喘氣如竹葉石膏湯証無虛煩  
者用之皆咽喉不利之餘旨也

求真氏 肺結核之枯瘦骨立欬頻發痰沫  
粘着於咽喉而難咯出呼吸淺表心力減衰發熱不  
食微渴者用本方屢得奇效

蕉窗雜話

松平某云有人因其主人為東都

寺社奉行過於勞碌時從東都公務暇時恣其酒肉  
且食野猪肉後大發衄血經四十餘人不能治三日  
後自止但因是左邊頭痛如裂晝夜不安來洛請予  
治見其人面如長棗且問東都醫之治法悉作血虛  
用地黃類滋潤劑予云吾惟用大劑麥門冬湯加黃  
連石膏耳不十日頓愈此因諸醫惑於血証之所致



而不知為厚味鬱結邪火之証故也

諸家緒論 聖濟總錄麥門冬湯治肺胃氣壅

風咳傳咽喉妨悶

皇漢醫學要訣 此方為滋潤清涼之觀故必

以皮膚及粘膜之枯燥為目的

中國內科醫鑑 痢疾其人不實難於用瀉心

湯鵲石散者用之有止逆下氣之效又口渴多陽証

咽乾口燥有陽實証亦有陰虛証凡急迫証狀之有

一種微候即屢現咽乾口燥之狀臨床家應無忽諸

証治摘要 本方加地黃或石膏治欬血并血

証後上逆

編者按 此方半夏有認為辛燥而去之者如

張

外台治人書等石頑氏謂濁飲不除則津液不致雖  
日用潤肺生津之劑烏能建止逆下氣之績哉俗以  
半夏性燥不用殊失仲景立方之旨喻嘉言氏則盛  
稱其善用半夏之功竇擅千古未有之奇學者其師  
法仲景氏而加以深切領會勿為他論所奪可也

憑証使用 喉頭結核初期老人乾咳小兒久

欬肺結核咽燥大病短氣咽喉不利者

等